

346/25
432/ks

5675

**Bosna i Hercegovina
Federacija Bosne i Hercegovine
GRAD ZENICA**

**Služba za socijalnu zaštitu, stambene poslove i društvene djelatnosti
Trg BiH 6 - 72 000 Zenica**

Broj: 07-11-2047/25
Zenica: 30.04.2025. godine

12
19

STRUČNA SLUŽBA GRADSKOG VIJEĆA

**PREDMET: Izvještaj o radu JP za upravljanje i održavanje sportskih objekata d.o.o.
Zenica za 2024. godinu , stav Službe, dostavlja se;**

Javno preduzeće za upravljanje i održavanje sportskih objekata d.o.o. osnovano je 30. maja 2001. godine. Odlukom Općinskog vijeća svi objekti i tereni koji imaju sportsko-rekreativni značaj, a koji su u vlasništvu Općine Zenica, dati su na upravljanje i održavanje ovom Preduzeću. Iz informacija koje su prezentovane u izvještaju jasno se može vidjeti da je postignut cilj i funkcija ovog Preduzeća.

- Komplex Kamberovića polje:
- Otvoreni bazeni u Crkvicama
- Kuglana
- RSC Smetovi
- Stadion «Papirna»
- Dom strijelaca
- „Atletski stadion“
- Arena „Husejin Smajlović“

Tokom 2024. godine, sportske objekte su koristili i koriste sportisti koji u velikoj mjeri postižu značajne rezultate na domaćim i međunarodnim takmičenjima i na najbolji način prezentuju državu Bosnu i Hercegovinu i grad Zenicu na međunarodnoj sceni. Radi se o takmičenjima evropskog i svjetskog karaktera.

Kada se tiče aktivnosti provedenih na pojedinačnim sportskim objektima kojima upravlja Preduzeće, isti su prikazani u nastavku kako slijedi:

Komplex Kamberovića polje:

Nogometni tereni «A» i «B» u protekloj godini su u najvećoj mjeri koristile sljedeće sportske organizacije, odnosno klubovi: NK "Čelik" (sve selekcije - od pjetlića do seniora), NK "Čelični grad – Steel City", NK „Fortuna“ (sve selekcije), NK „Sporting“ (sve selekcije), Ragbi klub "Čelik" (sve selekcije) i Ragbi reprezentacija BiH.

O iskorištenosti navedenih terena najbolje govore podaci da je u toku 2024. godine odigran veliki broj nogometnih utakmica različitih selekcija i treninga. Zatim, odigrane su i prijateljske

ragbi utakmice, te održan je veći broj ragbi treninga, kao i pojedini omladinski turniri i međunarodne utakmice bh. selekcija u odbojci i futsalu.

Atletska staza i Zapadna tribina ispunjavaju sve evropske standarde i posjeduju certifikat Međunarodne asocijacije atletskih federacija (IAAF-a). S obzirom na vrijeme izgradnje i dotrajalost staze u skorije vrijeme će biti neophodna sanacija iste (u vidu sanacije postojeće ili potpune zamjene novom tartan stazom).

Zapadna tribina stadiona Kamberovića polje, elektronska oprema i rekviziti, predstavljaju jedan savremeni sportski objekat koji pruža uslove za održavanje i organizovanje svih vrsta atletskih manifestacija, do najviših nivoa takmičenja u svim disciplinama, kao što su discipline trčanja, skok s motkom, skok u vis, skok u dalj, troskok, bacanje kugle, diska, kladiva i koplja.

U 2024. Javno preduzeće je na atletskom stadionu bilo domaćin Međunarodnog atletskog mitinga, Državnog atletskog takmičenja i prvenstva iz kalendara Atletskog saveza BiH, Prvenstva BIH za invalide i drugo.

Kao i ranijih godina, tako i ove godine Atletski klub "Zenica", pored atletskog poligona, koristio je kompletne kapacitete Preduzeća čime se daje doprinos razvoju atletskog sporta u Zenici.

Teniski tereni, u toku 2024. godine tenis terene koristilo je pet (5) teniskih klubova, a to su: TK «Čelik», TK «Mladost», TK «Euronec», TK „As“, TK „Napredak“, te Udruženje teniskih rekreativaca.

Otvoreni tereni se nalaze na otvorenom prostoru i građani ih koriste bez ikakve naknade, pretežno u rekreativne svrhe. Koriste se za igranje malog nogometa, košarke i odbojke. U 2024. godini sopstvenim snagama i resursima Preduzeće je vršilo održavanje dva (2) košarkaška i dva (2) odbojkaška terena, kao i jedan (1) teren za mali nogomet. Tereni se koriste praktično 24 sata dnevno.

Preduzeće također nudi korisnicima šest moderno opremljenih svlačionica u okviru stadiona Kamberovića polje. Potpisani su ugovori sa sportskim klubovima koji su iskazali interes za korištenje ovih svlačionica.

SRK Kamberovića polje

Pored ovih objekata, na Kamberovića polju u stalnoj su funkciji i dvije šahovske table na otvorenom prostoru koje koriste uglavnom penzioneri, uz dva šahovska stola koja je finansirao Grad Zenica. Na prostoru parkinga na Kamberovića polju u 2024. godini održano je nekoliko kulturnih i dječijih manifestacija. Luna park u 2024. godini bio je na raspolaganju građanima, a posebno djeci.

Također je u značajnoj mjeri korišteno igralište za mali nogomet sa umjetnom travom (tzv. Turski park) sa potpunim kapacitetom termina. U 2024. godini na ovom lokalitetu održano je otvaranje „Zenica Summer festa“, te koncerti zeničkih i bosnskohercegovačkih bendova.

Arena „Husejin Smajlović“

Najreprezentativniji objekat Preduzeća. Sportsku dvoranu najviše koriste košarkaški klubovi, rukometni klubovi, te ostali sportski kolektivi kao i rekreativci. Arena “Husejin Smajlović” bila je domaćin kvalifikacionog UEFA turnira za Evropsko prvenstvo u futsalu u organizaciji N/FSBIH.

Tu je i niz drugih sportskih aktivnosti poput projekata povodom Dana državnosti i Dana nezavisnosti BiH, Međunarodnog košarkaškog turnira “Kengur kup”, Međunarodnog rukometnog turnira prijateljstva u organizaciji SR “Čelik Junior”, Međunarodni rukometni turnir u organizaciji RK “Čelik” – “Zaim Kobilica”.

U protekloj godini održano je više sportskih i kulturnih događaja, a JP je u fazi dogovora za organizaciju velikih koncerata u 2025. godini.

U oktobru 2024. godine, održana je i promocija studenata Univerziteta u Zenici.

Kompleks gradskih bazena u Crkvicama:

Gradski otvoreni bazeni dosegli su zbog dotrajalosti zahtjevali stalne i velike investicije, posebno kada je vodotok u pitanju, s obzirom da bazeni datiraju od 1965. godine i da se nisu vršila značajna kapitalna ulaganja u rekonstrukciju. Preduzeće nije bilo u mogućnosti vršiti kapitalne investicije jer se radi o značajnim finansijskim sredstvima. Preduzeće je finansiralo izradu dva projekta rekonstrukcije Gradskih bazena.

Grad Zenica je u 2023. godini započeo izgradnju novog sportskog objekta na kompleksu Gradskih bazena u Crkvicama, a riječ je o zatvorenom olimpijskom bazenu. Koordinacijski sastanci tima za realizaciju se održavaju u prostorijama Preduzeća.

U 2024. godini kompleks Gradskih bazena u Crkvicama nije bio u funkciji zbog radova na izgradnji zatvorenog olimpijskog bazena na tom lokalitetu. Ova investicija, čiji se završetak planira do početka 2026. godine, značajno će unaprijediti uslove za sportove na vodi i omogućiti građanima Zenice, kao i širem regionu, korištenje modernog bazenskog kompleksa. S obzirom da je predviđena i faza koja podrazumijeva izgradnju akvaparka na mjestu postojećih bazena, očekuje se da će nakon izgradnje građani imati mogućnost korištenja u punom kapacitetu i zatvorenog i otvorenih bazena u Zenici.

SRK Smetovi

Javno preduzeće brine se i za održavanje čistoće sportskih terena na Smetovima, kako bi se poboljšala kvaliteta usluga. Ugostiteljski objekat je radio u punom kapacitetu, a isti je izdat putem javnog poziva firmi „New Aspect“ d.o.o. Zenica sa kojom je zaključen ugovor o zakupu na period od 10 godina sa mogućnošću produženja.

U 2024. godini redovno je održavan i otvoreni teren namijenjen za košarku, rukomet i mali fudbal, te teren za odbojku na pjesku.

Dom strijelaca (Streljana)

Trenutno Dom koristi Streljački klub Zenica, firma „Shot“ i druga slična udruženja. Objekat je vrlo specifičan i zahtjevan za održavanje.

Stadion Papirna

Glavni dio objekta (stadion) trenutno je van funkcije zbog nepostojanja dovoljnih sredstava da Javno preduzeće krene u projekat sveobuhvatne rekonstrukcije, dok je dio objekta tzv. „Partizan“ u upotrebi i koristi ga Sportsko društvo „Winner“ koje okuplja pedagoge tjelesnog odgoja i vaspitanja.

Održavanje javne rasvjete u Gradu Zenica

Svake godine na osnovu Ugovora sa Gradom Zenica, Preduzeće obavlja poslove na održavanju javne rasvjete i dekoracije Grada Zenica. Posjeduju kompletnu opremu koja je neophodna za obavljanje takve vrste poslova, ali i druge poslove iz domena rada preduzeća (kamion sa dizalicom i kamion putar). Dio dekoracije je Javno preduzeće nabavilo i na taj način upotpunilo ukupan dekorativni sadržaj tokom zimskih blagdana. Analiza prihoda pokazuje da je Preduzeće po ovom osnovu ostvarilo znatno veći prihod u odnosu na 2023. godinu.

Prihod preduzeća u 2023.godini je iznosio 1.720.327,00 dok je rashod bio 1.706.529,00, čime se zaključuje da je Preduzeća u navedenoj godini imalo pozitivan poslovni rezultat u iznosu od 13.798,00.

Kada se tiče 2024.godine, prihod preduzeća je iznosio 3.318.454,00 dok je rashod bio 3.267.819,00, čime se zaključuje da je Preduzeća u navedenoj godini imalo pozitivan poslovni rezultat u iznosu od 50.635,00.

Poslovanje Preduzeća je u velikoj mjeri uslovljeno finansijskim stanjem klubova i sportskih organizacija koji su i najveći korisnici usluga. Zbog navedenog mogućnosti planiranja investicija za izgradnju novih objekata, sanaciju i rekonstrukciju postojećih objekata su ograničene. Veliki dio objekata su sezonskog karaktera, otvorenog su tipa, pa je njihova iskorištenost uslovljena vremenskim prilikama. Objekti kojima Preduzeće upravlja i koje održava iziskuju velika kapitalna ulaganja i popravke, što upućuje na činjenicu da je potrebno uložiti veća materijalna sredstva u novu ali i postojeću infrastrukturu.

Preduzeće je zaključno sa 31.12.2024. godine brojalo ukupno 26 zaposlenih i raspoređenih radnika, od toga 22 muškaraca i 4 žene. Od toga 4 VSS uposlenika, 8 SSS i 14 NK radnika.

Nadzorni odbor je utvrdio da je rad direktora Preduzeća bio zasnovan na utvrđenoj poslovnoj politici, pa je na osnovu Izvještaja o radu i poslovanju Preduzeća za 2024. godinu, Izvještaja o radu direktora u 2024. godini i vlastitog izvještaja, dao pozitivnu ocjenu o radu za direktora ovog Preduzeća.

Saradnja Službe sa upravom Preduzeća je na zadovoljavajućem nivou. Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Preduzeća, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JP za upravljanje i održavanje sportskih objekata d.o.o. za 2024. godinu na razmatranje.

PRILOZI:

1. Izvještaj o radu JP za Upravljanje i održavanje sportskih objekata Zenica za 2024.godinu;
2. Zaključak o usvajanju Izvještaja o radu i poslovanju Preduzeća za 2024. godini ;
3. Izvještaj o radu direktora Preduzeća za 2024.godinu ;
4. Zaključak Nadzornog odbora o usvajanju izvještaja o radu direktora Preduzeća za 2024.godinu
5. Izvještaj o radu Nadzornog odbora Javnog preduzeća za upravljanje i održavanje sportskih objekata d.o.o Zenica za 2024.godinu
6. Zaključak o usvajanju Izvještaja o radu Nazornog odbora preduzeća za 2024.godinu

DOSTAVLJENO:

- 1 x Naslov
- 1 x a/a



Pomoćnik Gradonačelnika
Sumea Mujkanović